

Su e Drohn muss isch hawwe

Jesses naa, hott de Schorsch mir uff de Gass verzählt, deletzdt hotts su gebrummt im Gadde, su gons komisch, unn doo bin isch enaus unn habb mich emol umgeguggd, awwer nix geseh. Isch habbs Kättche gerufe unn die hott de erst aach nix geseh, awwer ess hott halt gebrummd.

Doo seets Kättche: Dess iss koon Rasemäher, dess iss enn Hubschrauber, weil der Krach dut sich beweeseche unn kimmt aach gons langsam uff uns zu.

Unn doo hawwe merr im Gadde gestonne unn in die Luft geguggd unn, Honnes, isch saach derrs, uff oomol iss su grad iwwer de Beem su e Ding kumme, wie merrs schunn im Fernseh geseh hawwe.

E Drohn, hotts Kättche gerufe, e Drohn, was machen merrn jetz, Schorsch?

Mir winke mol, habb isch gesaad, unn wenn doo e Kamera droi iss, donn kann merr uns im Fernseh seh.

Im Fernseh, im Fernseh, kreischts Kättche, bist du noch gons kloor im Kobb? Dess iss ooner der dut uns ausspioniern. Unn donn hottse merr ebbes ins Ohr geflissderd unn isch habb laut gerufe: Kättche, holls Schrotgewehr, den schieß ich ab. Ich hatts grad gesaad, doo iss dess Ding hoch unn fort wars.

Ja, Honnes, unn isch habb gleich die Bollizei oogerufe unn die hawwe merr versproche, mol in dir Näh ze gugge, ob doo ooner stieht unn die Drohn fernlenke dut. No ja, die hawwe bestimmt kooner gefunne, sunnst hädde se uns oogerufe. Su hott de Schorsch mir verzählt.

Siehsde, saach isch, der hott eich geseh unn aach geheerd unn vor lauder Ängst, dassde dess Ding kaputtschieße dust, hotter soi Drohn hoomgehollt. Dess werdd immer doller, es dut nix gewwe, wo de vor su Drohnegugger sicher bist. Awwer su Dinger hawwe aach ihr Gudes. Weil wenn uff de Audobohn ebbes bassiern dut unn die Gaffer ihr Audo stieh losse unn losrenne, um su noh wie meeschlich onn die Unfallstell se kumme, um dort alles ze fotografiern, doo kennt die Bollizei su e Drohn fliehe losse unn kennt all die Ollwel, die su ebbes mache, sellwer fotografiern unn donn oozeische. Unn su Drohne sinn aach gut, wenn enn Dachdecker e Dach sich oogugge unn nitt enuffklettern will, odder wenn su Stromleidunge iwwerprieft werrn misse, die sinn billischer als Hubschrauber mett zwaa Leit droi.

Seet de Schorsch: Honnes, su e Drohn muss isch hawwe.

Isch frooch: Ei warum donn, Schorsch, ferr was sollen die bei dir gut soi?

De Schorsch hott gelachd. Honnes, Idee muss merr hawwe. Somsdaachs seet die Fraa immer: Schorsch, gieh enaus uff die Gass unn gugg, ob de kehrn musst. Unn weil isch joo nimmi su gut laafe kann, schick isch ab nächst Woch vunn de Terrass aus die Drohn los unn kann uff moim Smartfon seh, ob isch kehrn muss odder nitt. Unn su ebbes iss gons modern, dess iss donn e Äpp mett Nome Gassenschauer.

Isch habb dumm geguggd. Was issen e Äpp?

Doo seeder: E Äpp iss e Äplikoeschen, e Anwendungssoftware.

Isch war gons baff. Saach emol, Schorsch, woher dusden dess alles wisse?

De Schorsch hott gegrinst: „Senioren wissen alles über Internet und Smartfon“, su hott der Kurs gehaaße, den isch grad gemacht habb. Unn weil die gesaad hawwe, e Smartfon muss merr hawwe, habb isch mir omm sellwe Daach noch e Smartfon mett Internet kaaft. Unn nächst Woch kaaf isch merr e Drohn im Internet, weil su e Ding muss isch hawwe.

Eiern Honnes